

Favot, president de ANCI FVG - Associazione Nazionale Comuni Italiani; **Monica Ferragotto**, conseire de ACLiF Assemblee de Comunitât Linguistiche Furlane; **Angelo Montanari**, retôr de Universitât dal Friûl; **Eros Cisilino**, president de ARLeF - Agenzie regjonâl pe lenghe furlane; la depudate **Isabella De Monte**; l'europarlamentâr **Anna Maria Cisint**; **Manuele Ferrari** conseîr dal Consei Regjonâl F-VJ; **Barbara Zilli**, assessore aes finansis de Regjion Autonome Friûl-Vignesie Julie.

In plui, a jerin presints i Conseîrs regjonâi Markus Maurmair, Elia Miani, Massimo Moretuzzo e Serena Pellegrino; Maurizio Negro, assessôr dal Comun di Gurize; Federico Pirone, assessôr dal Comun di Udin; il president di Ent Friûl tal Mont, Franco Iacop; il president dal Teatri Stabil Furlan, Lorenzo Zanon; la rapresentante dal Uffici Scolastic Regjonâl, Donatella Mosenghini, e tancj sindics e rapresentants dai Comuns furlans e dai Comuns furlanofons dal Venit.

A dâ inmò plui valôr ae cerimonie e je stade la proiezion, in esclusive, dal video curât dal Istitût Ladin Furlan "Pre Checo Placerean" che al ufris une version gnove dal imni dal Friûl "Incuintri al doman": la interpretazion folk rock dai "Corte di Lunas" e la regjie di Marco Fabbro a àn puartât il public tes atmosferis di fieste medievâls. Il secont video che al è stât proietât al è di un altri gjenar: protagoniste, la cetant simpatiche Desiree Chiappo Debegnach, dal innomenât canâl YouTube "YoupalTubo", "interogade" sul "Parcè che il Friûl si clame Patrie" di Marco Del Ben, plui cognossût cul sorenon "Marcutti". I presints a àn podût preseâ ancje un videoclip che al à mostrât cualchi "Acuile in Comun", tra lis tantis acuilis che a son stadis picjadis tes façadis esternis dai palaçs dai 130 Comuns che a àn aderît al proget, che al jere stât inviât te Fieste de Patrie dal 2025. La iniziative, promovude de Regjion Autonome Friûl-Vignesie Julie e de ARLeF, e à l'obietf di valorizâ e di promovi la identitât furlane. L'autôr de opare al è il designer Stefano Borella che si è ispirât ae acuile de bandiere dal Friûl, il simbul che plui di ducj al unis i furlans. La organizazion de iniziative e je curade in colaborazion cun City ADV.

Ancjetant significatîf al è stât il moment dedicât a rimarcâ il valôr des variantis linguistichis dal furlan: a rapresentin pe lenghe une ricjece in plui, e si àn di mantignî. Su chest e je intervignude la siore Annamaria De Monte, une fie vere di Dartigne, che e à testimoneeade la variante locâl tipiche cu la "e". La siore e à ricuardât cemût che chê variante e sedi la espression autentiche de ricjece culturâl dal teritori e cemût che, par chest, e à di jessi valorizade e soredut tramadade aes gnovis gjenerazions.

Finidis lis celabrazions, la zornade e je lade indevant a Montenârs cuntun moment di condivision che al à vût tant che protagonist Dario Zampa. Tal dopomisdì invezit a son tornâts ducj a Dartigne par une interessante cjaminade storiche e archeologjiche, par cure de cooperative Riscoperte.

ai 12 di Avrîl dal 2026

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche / e-mail: arlef@caltpr.it

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<<

Tignî vive cheste Fieste al vûl dî conservâ e tramandâ la nestre identitât, lis nestrîs lidrîs e i valôrs che nus tegnin dongje di simpri tant che comunitât furlane. Al è un impegn che al è di duçj, vuê in particolâr, par che la memorie no si sfanti ma par che e ledi indenant a jessi linfe vive di apartignince e cussience. Cun chest spirt, il ricuart dedicât a pre Checo Placerean al à savût rapresentâ ad implen il sens plui vêr di cheste celebrazion. Cjalant il 2027, 50^m inovâl de prime edizion de Fieste (volude propit di pre Checo), o sin clamâts a dâi ancjemò plui fuarce a chest percors, valorizant ce che o sin e tramandant chei valôrs aes gjenerazions che a vignaran».

Ricuardant il taramot dal 1976, che al veve vivût di persone, il retôr de Universitât dal Friûl **Angelo Montanari**, al à evidenziât che il sisme al à stimolade un grum la fondazion de Universitât: di fat, dopo dal taramot, la idee che e jere in vore za di timp, e je diventade une realtât. «Dispès o discutin su cemût valorizâ il nestri teritori, frontâ lis sfidis che o vin devant: une di chestis e je cence fal chê di di fâ restâ la int culî, a vivi, a lavorâ, a valorizâ il nestri teritori. La UniUd e je rivade a fâ chest. E je diventade ancje un element di atrazion, di difûr bande il teritori. Duncje, cuant che si fevele di "model Friûl", o crôt che la Universitât dal Friûl lu rapresenti te maniere juste – al à zontât cun braûre –. Par chest, vuê no podevi mancjâ a jessi presint culî, par celebrâ la Fieste de Patrie dal Friûl, tal 50^m inovâl dal taramot ».

Geremia Gomboso, president dal Istitût Ladin Furlan “Pre Checo Placerean” al à evidenziât la «*mancjade aprovazion dal messâl roman in lenghe furlane, che si le domande di passe 20 agns, no à sens, massime se si pense al rûl che la Glesie di Aquilee e a vût te cristianizazion de Europe orientâl e setentrionâl*». No mancûl impuartante la cuistion de scuele: «*Al covente che la scuele e sedi gjestide in maniere plui autonome. Chest al permetarès di meti in pîts un plan di studis par insegnâ la nestre storie, di là di doprâ strategjiis plui validis e eficientis tal insegnament dal furlan a scuele, che par cumò al è dome opzionâl*». Infin, al à cjàpât la ocasion par tornâ ancjemò sul argument de television par furlan, rivendicant il dirit di vê une television in lenghe furlane come che al sucêt di altrîs bandis, par esempi tal Sudtirôl.

Ai 12 di Avrîl dal 2026

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche / e-mail: arlef@caltpr.it

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<<<<